

## حداد ١٩

قصدكم نلبس حداد  
لسه ايدكم على الزناد  
لسه سارحين في الضلال  
والصحارى والتلال  
كل أرض الله بريئة  
ربى عالم بالحقيقة  
انكم شلة رعا  
والسؤال طيب لأمتى  
والإجابة بالخيار  
يعنى مش اجبار تجاوب  
السؤال ما هو ملّ منكم  
راح لأصحاب العقول

ليه رعا ع الناس  
بترتع فى العباد  
لسة سايقة فى العناد  
تقتل الفرحة البريئة  
من سكات الدم سال  
دمعة نازله بالسؤال  
طب لأمتى؟  
قول يا شاعر  
عن رعا ع راكبة العناد  
والتحدى  
مش هنلبس  
توب حداد